



子

元和郡縣圖志卷第三

劍南道上

西川節度使

今為西川節度理所

管州二十六成都府

彭州

蜀州

漢州

嘉州

資州

簡州

資州

嘉州

戎州

雅州

瀘州

眉州

眉州

松州

茂州

翼州

維州

當州

悉州

靜州

柘州

恭州

宜州

黎州


嵩州

姚州

協州

曲州

管縣一百七



光緒六年...

成都府益州

開元戶十三萬七千四十六
元和戶四萬六千一十

鄉二百五十二
鄉二百四十二

高貢梁州之域古蜀國也歷夏商周武王時庸蜀羌髳微

盧彭濮皆助伐商及周衰蜀僭號稱王秦惠王元年蜀人

來朝八年曰五丁伐蜀滅之封公子通為蜀侯於成都置

蜀郡以張若為守因蜀山以為郡名也始皇三十六郡蜀

郡不改其理本在青衣在今嘉州龍遊縣界漢高帝王蜀

分蜀置廣漢郡初有漢中廣漢巴蜀四郡武帝遣唐蒙通

西南夷又置牂牁越雋犍為益四郡因分雍州之南置益

州焉後公孫述據成都改益州為司隸蜀郡為成都郡吳

漢討述平之州郡復舊靈帝末劉焉為益州牧初理綿竹

始皇亦疑有置字

本在青衣四字疑有誤華陽志云一治青衣王漢文時上一治旄牛

主外羌天漢四年蜀郡置而郡都樹故云然此當云別有郡

并尉治青衣

益州字不當有州字

澤當作璋

後遇天火焚燒城闕府庫蕩盡遂徙理成都焉子璋繼立

後以州降先王獨益州置牧蜀郡置守魏景元四年鍾會

鄧艾平蜀晉武帝改蜀郡為成都國以皇子穎為王惠帝

時李雄竊據栢溫討平之簡文帝時符堅遣將鄧羗揚安

伐蜀益州並沒于秦孝武大元八年平蜀安帝時譙縱又

據益州叛朱齡石討平之至梁武陵王蕭紀竊號於蜀其

兄湘東王繹討之斬於白帝西魏廢帝二年地並入于魏

益州置總管至周併省郡與州同理成都開皇三年置西

南道行臺大業三年罷州為蜀郡武德元年改為益州總

管府三年置西行臺龍朔三年復大都督府開元二十一

年又於邊郡置節度使以式道四夷都為劍南節度理都
 兵三萬四千七百八人馬三千匹
 凡依賜八十萬匹段軍糧七萬石
 西抗吐蕃南撫蠻獠統圖
 營蜀郡內管兵一萬四
 臨翼郡通化郡北百四十里管
 維川郡通化郡西二百七十里管
 天寶軍里在維川郡東
 開元二十一年帝位兼蓬山郡維川郡北管兵五交川郡東
 總置管兵一千人也
 平戎城二十八年華仇兼瓊置
 人北百世管兵二千八百
 百泰化今為恭州廬山郡四百人廬山今雅州江源郡
 貞觀二十一年置行方置洪源郡兵千人洪源今黎州
 管兵五百人江源今當州中移置管寧遠城縣南開元中置
 昆明軍兵五千二百人馬一百匹
 雲南郡管兵二百三十人
 雲南今姚州澄州寨里管兵二百人

南溪郡 廬山郡西二百五十里管兵二歸誠郡 靜川郡東
 百人歸誠今飛天寶元年改蜀郡大都督府十五年玄宗
 州靜川今靜州
 幸蜀改為成都府

州境東西二百九里
 南北三百八十八里

八列 東北至上都二千一十里
 東北至東都二千八百七十里
 正東至南至蜀州一百五十里
 西至彭州一百里
 正西至南至蜀州一百五十里
 正東至西至陵州二百里
 西南至邛州二百六十里

貢賦 元和貢 羅八疋 布八疋
 高紵裨布綾羅 高紵彩段 絲布
 北至漢州一百里
 南至眉州二百里
 正東至西至陵州二百里
 西南至邛州二百六十里

管縣十 成都 華陽 靈池 犀浦 廣都

郫縣 溫江 新繁 雙流 新都

成都縣郭次赤下本南夷蜀侯之所理也秦惠王遣張儀司馬

錯定蜀因築城而郫縣之自秦漢至國初已來前後移徙

十餘度所理不離郡郭

武擔山在縣北百二十步

大江一名汶江一名流江經縣南七里蜀守李冰穿二江

成都中皆可行舟漑田萬頃蜀中又謂流江為懸笮橋水

此水濯錦鮮於他水

州城秦惠王二十七年張儀所築初儀築城屢頽不立忽

有大龜因行旋走巫言依龜行處築之遂得堅立城西南

樓有餘尺名張儀樓臨山瞰江蜀中近望之佳處也

南外城中有文翁學堂一名周公禮殿華陽國志云文翁

立學精舍講堂作石室一曰玉室李膺記云後漢中平火

延學袍廟節一時蕩盡唯此堂大燭不及 鍾雖古而巧

異特奇堂上悉圖古之聖賢梁上則刻文朝史宣尼及七十弟

子齊永明中劉瑱更圖焉朱齡石平譙縱勒宋武帝檄文

於石壁之室代王更以丹青增飾古畫仍如豆盧辨蘇綽

之像

少城一曰小城在縣西南一里二百步蜀都賦云亞以少

城接乎其西

據博本華陽國志序上有文字
中平中兼陽國志作永和初
火

錦城在縣南十里故錦官城也

摩訶池在州中城內

萬里橋架太江水在縣南八里蜀使費禕聘吳諸葛祖之
禕嘆曰萬里之路始於此橋因以為名西南兩江共七橋
李冰所造言上應七星漢世祖遣吳漢伐蜀謂之曰安軍
宜在七星橋間

昇仙橋在縣北九里相如初入長安題其門不乘高車馬

馬不過汝下

江濱祠在縣南八里

盤石城在縣東三十里

先主廟在縣南一十里

孫艾廟在縣西二里

華陽縣東界郡下本漢廣都縣地貞觀十七年分蜀縣置乾

元元年改為華陽縣本蜀國之號因以為名

宋興山在縣北三十里

笮江水在縣南六里

靈池縣次畿西至府六十里以視元年長史孝通廣秦分蜀縣

廣都置東陽縣天寶元年為靈池縣因以南靈池為名

武侯山在縣東南十五里

分棟山在縣東十五里其山北連秦隴南入資瀘其於東

先主廟亦稱武侯祠和漢末設
少城時祠在少城內李雅所
修當作十里一字衍加畫作
二儀也

川即此為隔門也

汶江在縣北四十里

犀浦縣次畿

東至府二十七里本成都縣之界垂拱二年分置

犀浦縣昔蜀守李冰造五石犀沉之於水以厭怪因取其
事為名

都江水在縣北四里

黃花水在縣南八里

廣都縣次畿

北至府四十二里本漢舊縣元朔二年置蜀號三

都昔城都成都廣都也先主以蔣琬為廣都長諸葛亮曰
琬託志忠雅當贊王業非百里之才即此也隋仁壽二年

避煬帝諱改為雙流縣今廣都縣龍湖三年長史喬師望
重奏置

大塔山在縣東四十里有阿育王塔因名

牛飲水在縣西三里

諸葛亮宅在縣南一十九里

郫縣次畿

東至府五十里本郫邑蜀望帝治汶山下邑曰郫是

也秦滅蜀因而縣之不改

平樂山在縣西二十五里

郫江一名成都江經縣北去縣三十一里

故郫城在縣北五十步晉惠帝大安二年李雄殺汶山太

守陳君遂竊據郫城自稱大都督益州牧刺史羅尚數攻

之後尚為雄所收委城夜道雄遂冠成都自郫遷據焉

溫江縣水幾東至府七十五里本漢郫縣地也後魏於此置溫

江縣屬蜀郡開皇三年廢入郫縣仁壽三年於郫東境置

萬春縣貞觀三年改名為溫江縣

大江俗謂之溫江南流經縣一里出楚金

皂江在縣西十里

新繁縣水幾東南至府本漢繁縣也屬蜀郡因繁江以

為名也開改為新繁開皇三年省武德三年分廣都縣地

重置因舊名也

郫江名成都江經縣西去縣十一里

雙流縣水幾北至府本漢廣都縣也隋仁壽元年避煬

帝諱為雙流因以縣在二江之間仍取蜀都賦云帶二江

之雙流為名也皇朝因之龍朔三年又別立廣都縣

宣城山在縣南十二里出紫草

諸葛亮舊居在縣東北八十八里今謂之葛陌孔明表云

薄田十頃桑八百株即此地也

新都縣水幾南至府四本漢舊縣也屬廣漢郡開皇十

八年改為興樂縣武德二年分成都縣地重置

甞元山在縣北八里

新婦峴在縣北七里

諸葛亮八陣在縣北十九里

彭州濠陽開元中戶五萬一千八百八十七

鄉一百一十八

禹貢梁州之地漢分梁州為益州即漢益州繁縣地也垂

拱二年於此置彭州以岷山導江江出山處西山相對古

謂之天彭門因取以名州

州境東西北七十一里

八到東北至上都一千九百八十五里

東南至成都府一百里東至漢州七十五里

貢賦

西北至漢州一百二十里

管縣四 九隴 導江 唐昌 濠陽

九隴縣郭下

西至州二里

本漢繁縣地舊曰小郫言土地肥

良比之郫縣也梁於此置東益州後魏改為九隴郡取九

隴山為名也開皇三年罷郡為九隴縣屬益州皇朝因之

後改屬彭州

白鹿山在縣西北六十一里

九隴山在縣西二十五里連峰遶迤凡有九曲

導江縣望

東至州五十八里

本漢郫縣地武德元年於灌口置

盤龍縣尋改為灌寧縣二年又改為導江縣取禹貢岷山

導江之義也屬成都垂拱二年割入彭州

守當作守

五壘山在縣西北二十九里蜀都賦曰五壘而為守

作浦江是下同第湯國志可紀系
浦江則在漢巴郡江州縣地也

灌口山在縣西北二十六里漢蜀文翁穿渝江溉灌故以

灌口名山又灌口山西領有天彭關亦曰天彭門西面相

立如闕故名之蜀後主以建興十四年立渝江登觀坂看

汶江之流初白馬故侵掠益州刺史皇甫晏表討之軍至

都安屯觀坂蜀郡何旋進表諫曰今所安營地名觀坂自

上觀下反上之象漢高悟相人岑彭忌彭亡不可不察晏

不納其夜果敗

盤龍山在縣北二十里

大江自西茂州界流入按陸倕子曰江出汶山其源可以

漢書國志作何旋

濫觴及至江津下方舟避風不可涉也

蚕崖閣在縣西北四十七里其處江山險絕數崖通道有

如蚕食因以為名漢於此置縣後廢

灌口鎮在縣西二十六里後魏置自灌坂迄于頃山五百

里間兩岸壁立如有瀑布飛流十里而九昔人以為井陘

之阨

捷尾堰在縣西南二十五里李冰作之以防江決破竹為籠

間徑三尺長十丈以石實中累而壅水漢成帝時瓠子河

決王延塞之用此法也漢書所謂下淇園之竹以為捷

壘帝祠在灌口鎮城內

壘不此壘

李冰祠在縣西三十三里

司馬相如墓在縣東十二里

晉昌縣東至州本卽縣江九隴三縣之地儀鳳二

年於此分置唐昌縣

江水在縣西北四里

白水在縣北三里

昌化山在縣北九里

九隴山在縣北十三里

嚴君平墓在縣西南十里

濠陽縣北至州本九隴縣新都新繁什邽五縣之

地儀鳳二年於此分置濠陽縣在濠江之水北因曰濠陽

濠水在縣南五十步

羅江水在縣北十里

蜀州唐安開元中五萬二千六百八鄉八十八

禹貢梁州之城秦滅蜀為蜀郡在漢為郡之江源縣也李

雄據蜀分為漢原郡晉楊帝改為晉原郡後魏平蜀後移

犍為郡理此東三十里因省晉郡以併之仍於此西十里

立多融縣取舊郡名也開皇年改屬益州皇朝初因之垂

拱二年割晉原等四縣屬蜀州

州境東西南北

八到東北至上都二千一百一十五里
東北至東都二千九百一十五里
東南至成都府一百五十里
東南至郫州一百七十里
西南至邛州八十三里
東北至彭州一百二十里

貢賦 元和百 白蓮 木蘭皮 沙糖

管縣四 晉原 青城 新津 唐興

晉原縣 山下本漢江原縣屬蜀郡李雄時改為漢原晉為
晉原周立多融縣又改為晉原屬益州後因之垂拱改屬

蜀州

鶴鳴山在縣西七十九里絕巖十尋張道陵天師學道於
此

多融山在縣西南

斜江水出鶴鳴山經縣西四十里

青城縣望 南至州四 本漢江原縣地司武帝於此置青

城縣因山為名萬捷為郡荆皇三年罷郡縣屬益州垂拱
二年改為蜀州開元十八年改為青城

青城山在縣西北三十二里仙經云此是第五洞天上

有流泉懸澗一日三時灑落謂之潮泉

大江經縣北去縣二里

琴機水如琴箭水流甚急故召之縣東南四十里

新津縣望 西北至州 本漢捷為郡武陽縣地故城東七

里人來津有新津渡謂之新津市周閔帝元年於此立新津縣

大社山在縣南三里在城郭南百里北枕大江南接連嶺每蓋土有難人多依焉

唐興縣望西北至州四十里本漢江南縣地後魏於此置立犍為郡開皇三年罷郡又徙犍道縣於此大業二年廢入新

津縣武德元年於廢州置唐隆縣屬益州垂拱二年割入蜀州先天元年以犯諱改為唐安至德二年改為唐興縣

鄆江一名皂江經縣東二里出楚金汶井江在縣西二十里

漢州德陽

漢州德陽開元戶四萬二千五百

禹貢梁州之域秦為蜀郡地漢分蜀郡為廣漢郡金州即廣漢州之雒縣也開皇三年罷郡縣屬益州皇朝初因之

至垂拱二年於雒縣分置漢州

州境東北至都一千九百一十里

貢賦開元貢布二十疋交按羅

管縣五 雒縣 綿竹 德陽 什邡 金堂

雒縣望下本漢舊縣也屬廣漢郡縣南有雒水因以為名

開皇三年屬益州垂拱二年割屬漢州

雒水在縣東一里

馬蹄水在縣南二里

綿水在縣東三十里

君平卜臺在縣東一里

鷹橋在縣南二里

綿竹縣

南益州

本漢舊縣也屬廣漢郡尉理之有紫

崑山綿水所出初劉焉為益州牧從事賈龍選吏卒迎焉

徙治綿竹撫納離叛陰苗異計其後遇天火燒藝乃徙治

成都開皇十八年改名孝水縣境有孝子姜詩泉故取為

綿竹縣漢書益州志

名大業三年復為綿竹焉郡武德中屬益州垂拱二年割

入漢州

紫崑山在縣西北三十里

鹿堂山在縣西二十二里

綿水出縣紫崑山前都賦浸以綿洛謂此水也蜀人稱郫

繁曰膏腴綿洛為浸沃

綿竹故城在縣東五十里諸葛瞻於此戰敗

德陽縣

西南至州

本漢綿竹縣地後漢分綿竹縣立

德陽屬廣漢郡周閔帝元年郡縣並廢武德三年復置屬

益州垂拱二年割屬漢州

山陰
羊陽明志

鄧艾平蜀京觀在縣北三十三里艾以景元四年征蜀大破諸葛瞻於綿竹臺以為京觀初瞻在涪而艾已入江油瞻曰吾內不除黃皓外不制姜維進不守江油吾有三罪何面而反追就綿竹埋人脚而戰父子死焉

秦寔宅其地曰三造亭在縣北五里初太守夏慕三造其門故以為名

姜詩泉在縣北三十九里詩母好江水一旦泉涌舍側味

如江水

鹿頭戍在縣北三十八里

什邡縣望 南至州四十里 本漢舊縣屬廣漢郡高祖封雍齒為

什邡侯應邵曰汁音十故曰什邡俗名雍齒城周閔帝改為方亭縣武帝省武德三年復置垂拱二年割入漢州洛通山在縣西三十九里李冰導洛通山謂此也

雍齒城在縣南四十里

金堂縣上 北至州五十二里 本漢牛鞞縣地屬犍為郡咸通二年蜀郡長史李崇義所徙縣新都及簡州金水三縣置以

縣界連金堂山故以為名舊屬益州垂拱二年割屬漢州

昌利山在縣東北十里

望蜀山在縣東南二里

中江水在縣東北一里

毗江水在縣西二里

邛州臨邛開元戶一萬三千五百七十六

鄉六十三

禹貢梁州之域秦為蜀郡地今州即蜀州之臨邛縣地也

宋及齊梁不置郡縣唯豪家能服僚者名為保主趙屬益

州梁蓋州刺史蕭範於蒲水口立柵為城以備主僚名為

蒲口頓武陵王蕭紀於蒲口頓改置邛州南接邛來山因

以為名領依政一縣大業二年廢以縣屬雅州武德元年

割雅州依政等五縣置邛州

州境東西二百八里

八到東北至上都二千三百七十里

東北至東都二千三百七十里

南至眉州一百七十里
西至雅州一百七十里
北至蜀州八十里
西至羌夷一百三十里

貢賦開元貢絲布一十疋

管縣七 臨邛 大邑 安仁 依政 臨溪

火井 蒲江

臨邛縣下本漢地也屬蜀郡晉末李雄亂後為僚所侵

後魏廢帝二年定蜀復於舊城置臨邛縣仍置臨邛郡開

皇三年罷郡以縣屬邛州大業二年屬雅州武德復屬邛

州

銅官山在縣南二里節通所封後車王孫賈為陶鑄之所

白水水經縣南二里

漢書地理志

當作泉

火井廣五尺深三丈在臨邛縣南一百里以家火投之有聲如雷以竹筒盛之轉行終日不滅蜀都賦云火井沉熒於幽水

卓王孫宅在縣南五里

大邑縣上

東南至州四十九里本漢江原縣地咸通二年割晉原

縣之西界置

鶴鳴山在縣西北三十七里

七里池在縣西七里

安仁縣縣

西南至州二十八里

本秦臨邛縣地武德二年割臨邛

依政唐吳宇縣置貞觀十七年廢咸通元年依舊置

斜江水經縣南五里

依政縣上

西至州五十七里

本秦臨邛縣地後魏於此置依政

縣屬蒲陽郡開皇三年罷郡以縣屬邛州大業屬雅州武

德復屬邛州

境棘山在縣南四十里山南眉州丹陵縣界

白木水東南經縣南十里

州城西漢末公孫述為導江卒正治臨邛謂此城也

臨溪縣中下

東至州六十二里

本秦臨邛縣地也後魏恭帝於

此置臨溪縣屬蒲源郡開皇三年罷郡縣屬邛州後因之

縣城三面據險北面平坦

孤石山在縣東十九里有鐵鑛大如蒜子燒合之成流支
鐵甚剛因置鐵官

火井縣中丁東北至州六十里本秦臨邛縣地後魏於此置縣
屬雅州武德元年割依政等五縣置邛州縣屬焉縣有鹽
井

蒲江縣中丁西北至州六十三里本秦臨邛縣之地後魏恭帝嘗廣
定縣仁壽元年改廣定為蒲江縣南枕江水因以為名後
因之

車憲山在縣南八十里
蒲江水經縣南二百步

益井距縣二十里

簡州陽安開元戶二萬二千二百二十三
元知戶二千五百二十二

鄉三十九
鄉四十九

禹貢梁州之域秦為四郡地漢武帝分置犍為郡今州即
犍為郡之牛鞞縣也李雄據蜀夷獠內侵因茲荒廢南
齊於此置牛鞞戍隋仁壽三年於此置簡州因境有賴簡
池為名大業二年省武德三年復置

州境東西二百一十三里

八到東北至都二千里一百七十里東南至資州三百

正西至都二千里一百七十里二十里

正東北至都二千里一百七十里

正東至都二千里一百七十里

正西至都二千里一百七十里

貢賦開元貢同細一十五疋

管縣三 陽安 金水 平泉

當休卷

陽安縣即下本漢牛鞞縣也後魏恭帝二年於此置陽安縣屬武康郡開皇三年罷郡縣屬益州武德三年置簡州縣又來屬

分棟山在縣西七十七里

中江水即牛鞞水也昔羅尚乘牛鞞水東征李雄即此水也

賴簡池在縣東九十六里

陽明監井在縣北十四里又有牛鞞等四井公私仰給

此乃當作海漢廣漢之新郡且地也

金水縣上南至州一百五十里本漢唐郡之新縣地也縣有金堂

山水通於巴漢東晉義熙末刺史朱齡石帥建平生征蜀

仍於東山立金泉戍後魏平蜀置金泉縣尋金泉郡開皇

三年罷郡以縣屬益州武德元年以避神堯諱改為金水

縣屬簡州

金堂山在縣北二十四里

銅官山在縣北四十九里 大渡津在縣北三十里

平泉縣中北至州四十八里本漢牛鞞將縣地也後夷獠所居

後魏恭帝二年置婆閭縣屬益州十八年改為平泉縣以

縣內有泉源出於平地故以為名仁壽三年置簡州以縣

屬之皇朝因之

大塔山在縣西北六十三里與分棟山連屬南入陵州界

赤水經縣南七十步

上軍井下軍井並鹽井也在縣北二十里公私資以取給

婆閭故縣在縣南四十六里

資州資陽 開元中一萬八千五百九十二戶 鄉五十三

尚貢梁州之域秦併蜀為蜀即在漢即提為郡資中縣地

也李雄之亂夷獠居之後魏廢帝二年析武康郡之陽安

縣置資州取資水為名也大業三年改為資陽郡武德元

年復為資州

州境東西三百四十八里

八到東北至遂州路至上都二千三百三十里

東北至簡州三百二十里

正北至微東至普州一百七十里

正西至昌州二百六十里

西南至榮州二百六十里

貢賦開元貢 魏金 賦 甘子 綿絹 麻布

管縣八 盤石 資陽 內江 丹山 銀山

龍水 清溪 岡山

盤石縣上 下本漢資中縣地後為夷獠所居周武帝於漢

資中故城置盤石縣屬資中郡開皇三年罷郡屬資州皇

牛鞞水合內江水南去縣二十步多魚鱉亦出麩金

資陽縣上東南至州一百二十里一本漢資中縣也屬犍為郡李雄

亂蜀縣荒廢後魏廢帝二年始通巴蜀開拓資中周明帝

於資中縣置資陽縣因資水為名屬資陽郡開皇三年罷

即縣屬資州

牛鞞水東去縣二十一里

王褒墓在縣西北十五里褒資中人也宣帝夜祠金馬碧

鷄道病死

內江縣中西北至州九十八里本漢資中縣地名後漢分置漢安

縣李雄之後陷於夷獠因武帝天和二年于中江水濱置

夜當作使

漢安成其年改為中江縣屬資中郡隋文避廟諱改為內江縣屬州皇朝因之

益井二十六所在管下

丹山縣中南至州二百三十里本漢資中縣地貞觀四年於此置

丹山縣取界內崇丹山為名也

銀山縣中西北至州四十八里本漢資中縣地隋為內江縣地義

寧二年分置銀山縣因縣界銀山為名

益井一十一所在管下

龍水縣中東至州一百二十里本漢資中縣地義寧二年招慰美

獠於此分置龍水縣以縣西北有溪屈曲繞城如龍因以

為名

清溪縣中下 西南至州一百三十里 一本漢資中縣地自晉訖梁

僚所居大業十二年於此置牛鞞縣因牛鞞水為名也皇

朝初因之天寶元年改為清溪縣

月山縣中下 東至州本漢資中縣地義寧二年分置月

山縣

內江水在縣南一里

嘉州中府 開元戶二萬二千九百一十二 鄉五十三

禹貢梁州之域秦為蜀郡今州即漢犍為郡之南安縣地

也後夷僚所侵梁武陵王蕭紀開通外徼立青州遙取漢

青衣縣以為名也周宣帝二年改為嘉州境按近漢之漢
嘉舊縣因名焉大業二年併嘉州入眉州八年改為眉州郡
武德二年改為嘉州割通義洪雅等四縣別置眉州

州境東西南北

八列 東北至上都二千三百五十里 東南至戎州陸路三百二

北至眉州一百四十里 東南至戎州陸路三百二

東至微州二百一十里 東南至戎州陸路三百二

正北至微州二百一十里 東南至戎州陸路三百二

貢賦 開元貢麩金 賦 絹 綿 小布 麻

管縣八 龍遊 夾江 綏山 羅目 峨眉
玉津 平羗 犍為

龍遊縣郭下本漢南安縣地也周武帝保定元年於此立平羗縣開皇三年改為峨眉縣九年又於峨眉山下別置峨眉縣改州理平羗縣為青衣縣取青衣水為名也十三年改名龍遊以隋將伐陳理舟艦於此有龍見江水引軍而前故名縣皇朝因之

青衣水經縣南去縣三里

蘇稽戎在縣西南三十里

夾江縣上東南至州七十五里本漢南安縣地開皇十三年割平

羗龍遊二縣地於夾江廢戎置夾江縣屬嘉州大業二年

割屬蜀州武德元年却隸嘉州

青衣水經縣西

綏山縣中東至州四十里本漢高安縣地大業十一年招慰生

獠立以為縣因山為名屬眉山郡武德元年割屬嘉州

綏山在縣西南一百一十九里在峨眉山西西南其高無極

峨眉山在縣南六里

小峨眉山在縣南六里

羅目縣中東北至州九十五里本漢南安縣地麟德二年招慰生

獠於今縣西南一百八十三里置沫州及羅目縣前上元

三年州縣俱廢儀鳳三年重置嘉州羅目獠中山名因以

名縣

峨眉山在縣西四十里

大渡水在縣北二百步

峨眉縣上東至州七十五里本漢南安縣地周武帝於此置平

羌縣後改平羌為峨眉縣又以為青衣縣仍別立峨眉縣

枕峨眉山東麓故以為名屬嘉州大業三年割入眉州皇

朝武德又屬嘉州也

峨眉大山在縣西七里蜀都賦云抗峨眉於重阻西山相

對望之如峨眉故名此山亦有洞天石室高七十六里

中峨眉在縣東南二十里有古穴初絕容人行數里漸寬

有鍾乳穴坑有蝙蝠其大如筐

此峨多作姚

華陽國志地理志

車剛水在縣北二十里

玉津縣中西北至州三十九里本漢南安縣地李雄時夷獠自牂

牂入居焉蕭紀置青州之地大業十一年於此置玉津縣

以江有鹽玉津故以為名皇朝因之

峨眉江在縣城下

玉津鎮在縣城中

平羌縣中下南至州一十八里一本漢南安縣地周武帝置平羌

縣因境內平羌水為名開皇四年改州理平羌縣為峨眉

縣仍於今東六十里別立平羌縣大業十一年夷獠侵沒

移於今理

熊耳峽在縣東北三十一里

隄為縣中下西北至州一百五十六里本漢南安縣地周於此置沉

犀郡并武陽縣開皇三年廢郡以縣屬戎州又改武陽為

隄為縣前元二年割屬嘉州

大江在縣西十步

大鹿山在縣北一里

沉犀故城在縣東南三里

戎州南漢開元戶六千七百八十七

鄉二十五

高貢梁州之城古隄固也初秦軍破滇通五又道至漢武

帝建元六年遣唐蒙發巴蜀卒通西南夷自隄道抵牂牁

漢書食貨志作十餘里延字初字以地土畫也

盤石開道二十餘里通西南夷置隄道縣屬隄為郡今州

即隄道縣也戎徐之中最有人道故其字從人李雄竊據

此地空廢梁武帝大同十年使先鐵討定夷孫乃立戎州

即以鐵為刺之後遂不改

州境東西北七百里

八列東北至嘉州水路相魚至上節二十七百里

東北至嘉州水路三百一十里陸路三百四十里

西北至嘉州水路三百一十里陸路三百二十里

貢賦元和貢荔技煎四十

管縣五 隄道 義賓 開道 南溪 歸順

元利縣志
楚道縣郭中本漢舊縣也屬桂為郡永嘉後荒廢梁於此
立戎州周保定三年改楚道為外江縣大業三年改為楚
道縣出荔枝一樹可收百五十斗

黃泉山在縣西北五十九里

汶江流經縣東北去縣十步

馬湖戎在縣西二十一里

義賓縣中東南至州一百六十里一本漢南安縣地屬桂為郡天寶

元年改為義賓為戎州

大秋溪在縣東南一十三里有秋溪蓋井蓋因此水為名也

開邊縣中

東北至州六十五里本漢楚道地也周為外江縣地開

皇六年于此縣北一百三十里野家川置歸順縣後上元

元年獠賊叛亂因而荒廢永泰二年復於分理

小泉山在縣南四十七里

大梁山在縣南六十里

南廣水在縣西北一里

蓋泉鎮在縣西南八十里

南溪縣中西至州五十里本漢楚道縣地梁於此立南廣縣屬

廣漢郡以縣屬戎州仁壽二年改為南溪縣避煬帝諱也

皇朝因之

平蓋山在縣東三十里多荔枝

可廬山在縣南五十里山多叩竹

汶江縣南去縣十步

歸順縣中下聖曆二年折邵駟縣地以生獠戶置

元郡縣志卷第三十一

元和郡縣志卷第三十二

叙南道中

西川下

雅州

眉州

松州

茂州

翼州

維州

當州

悉州

靜州

柘州

恭州

直州

黎州

雋州

姚州

協州

曲州

雅州

廬山

開元戶六千五百八十九
元和戶一千四百五十三

知二十二
知二十四

禹貢梁州之域秦城蜀為郡即嚴道縣也李膺記曰自晉

永嘉崩離李雄竊據此地蕪廢將二十紀夷獠居云後魏

廢帝二年置蒙山郡于此開皇十三年置蒙山縣并鎮仁

壽四年罷鎮改置雅州因州境雅安山為名大業三年以

雅州為臨邛郡武德元年復為雅州

州境東西五百三十九里
南北四百三十五里

八到東北至上都二千三百四十里
西南至黎州二百四十里
東北至東都二千二百里
西北至西山谷口和順鎮九十里

貢賦開元貢 楚金 賦 綿 葛
元和貢 楚金 落 淮 木

管羈縻州十一

管縣五 嚴道 百丈 名山 廬山 榮經

嚴道縣中 部下本漢舊縣屬蜀郡漢遷淮南王長於嚴道邛

邛縣有郵蠻夷曰道後魏于此置始陽縣大業三年改始

陽為嚴道縣

蒙山在縣南十里今每歲貢茶為蜀之最

長坡嶺在縣西南二十七里道至險惡

平羌水經縣東二里

多切鎮在縣西北三十二里

壠越鎮在縣西三十六里

百丈縣中西南至州 八十六里本秦嚴道縣地貞觀八年于此置

百丈縣令按鎮城東有百丈穴故以為名

隴西山在縣西北三十里

大池水經縣東去縣十五步

撫人戍在縣西南二十里

名山縣

中一 西南至州 四十二里

本秦嚴道縣地後魏于此置蒙

山縣屬蒙山郡開皇十三年改為名山縣因縣西北名山

為名也屬邛州仁壽四年改屬雅州

名山在縣西北十里

弱棟坂在縣東北八里長二里道至險阻

名山水在縣東二百步東南入平羌水

廬山縣

中 東南至州 七十里

本秦嚴道縣地仁壽元年于此置

廬山鎮三年于此置鎮廬山縣因山為名屬邛州後屬雅

州皇朝因之

廬山在縣西北九里其山西北連延入夷獠界正北即邛

州火井縣界

浮岡水一名車廬水經縣西南五里

羅帶水經縣東五十步

靈閣鎮在縣西北六十里車靈山在下山有峽口似門闕

三丈長二百步閣外即夷獠界

榮經縣

中下

東北至州 一百一十里

本漢秦嚴道縣地也武德三

年于此置榮經縣

邛來山在縣西五十里本名邛笮山故笮人之界也

峭峻山竹高節寔中堪為杖因山名也

銅山在縣北三里即文帝賜鄧通鑄錢之所後以山假與

卓王孫取千足其山今出銅鑛

九折坂在縣西八十里王陽為益州刺史經此太息謝病

去官后王尊為益州刺史至此叱馭而過

印來水東流經縣北三里

印來鎮在縣西南八十七里

石門戍在縣西南三十五里

眉州通義開元戶四萬二千八百三十六

御六十五 鄉七十二

禹貢梁州之域在漢即魏為邵陽武縣之南池梁太清二

年武陵王蕭紀開通外徼于此立青州取漢青衣縣為名

取禹有汶字漢陽州志

也後魏二年平蜀改青州為眉州因峨眉山為名也武德元年改眉州為嘉州二年于通義縣復置眉州

州境東西南北

八到東北至上都二千二百一十里 東南至嘉州二百四十里 正西微北至坤州一百七十里 北至成都府二百里

東北至東都三千七重 東至陵州七十里 西北至蜀州一百七十里

貢賦開元貢 元和貢 麩金 麩金 獐麻布 甘子

管縣五 通義 彭山 丹稜 洪雅 青神

通義縣縣下本漢武陽縣之南境也後魏于此置通義縣

屬齊通郡開皇三年罷郡以縣屬眉州皇朝因之

大江一名汶江縣東去縣三里出麩金

白戰山在縣東北二十五里西臨汶江

彭山縣紫南去州十六里本漢武陽縣也秦惠王時張儀司

馬錯伐蜀之王開明拒城不勝退走武陽獲之即其地

也漢昭帝時犍為郡自犍道移理武陽周武帝于此置隆

山郡以境內有犍鼻山地形隆起故為名隋開皇三年罷

郡以隆山屬益州貞觀元年割屬眉州先天元年以犯諱

改名彭山縣

犍鼻山亦曰打鼻山在縣南十五里宋譙縱據蜀朱齡石

伐之命滅嘉奇外出兵譙縱遣將譙小苟引兵塞打鼻以

禦之即此也山形孤起東臨江水昔周犍淪于此水或見

其鼻遂以名山

大江一名汶江亦曰導江在縣東七里

犍為故城在縣西北五里漢犍為郡也武德帝建元六年分

巴蜀二郡立犍為郡

彭亡城亦曰平無城彭祖家于此而死故曰彭亡後漢岑

彭擊公孫述至武陽所營地名彭亡聞而惡之欲掩會日

暮而上是夜蜀刺客詐為亡奴降彭遂刺殺彭初岑彭至

其地改曰平無若言巴蜀已平無復賊也

馨堰在縣西南二十五里擁江水為大堰開六水門用灌

郡下公孫述僭號犍為不屬述攻之功曹朱遵拒戰于六

上當作止

水門是也

丹稜縣上 東北至州本南齊之齊樂郡也周明帝置齊

七十三里 梁縣武帝改為洪雅縣開皇十二年因縣南有洪雅鎮就

立洪雅縣仍改金理為丹稜縣屬眉州皇朝因之

三青山在縣東北四十五里

思蒙水在縣西北二十五里

洪雅故城在縣東百五十步

洪雅縣上 東北至州一本漢齊郡之南境也自晉迄宋

百二十里 夷獠有其地周武帝攘却夷獠立洪雅鎮開皇十三年改

洪雅為丹稜縣更于此置洪雅縣兼帶洪雅鎮屬眉州縣

西有洪雅川以名縣

可暮山在縣西北三十九里山多材木公私資之

青衣水一名平羗水經縣南一里

青神縣中 北至州本漢南縣地也李雄之後夷獠內侵

六十里 西魏恭帝造于此置青衣縣屬眉州之青城郡開皇三年

罷郡徙縣居郡理屬眉州皇朝因之

青神即青衣神在今嘉州界

汶江縣經東三里

青神故城在縣南二十三里

松州 交州下府 開元戶七百二十

鄉六

南下經縣南

二字誤倒

禹貢梁州之域古西羌地也羌水本出自三苗蓋姜姓之
別也其國近南嶽及舜流四凶徙之三危濱于賜支至于
河首綿地千里賜支者禹貢所謂析支者也夏桀之亂犬
夷入居岐邠之間成湯伐而攘之及武王伐商羌髡會于
牧野周襄西戎來寇殺幽王于驪山及秦穆公得戎人由
余遂伯西戎開地千里其後子孫分別各自為種所居無
常依逐水少以戰死為吉利病終為不祥婦人孕身六月
而生產子不避風雪性剛猛得西方金行之氣始皇時務
力併六國兵不西行故羌種得以繁息漢武^北逐匈奴西
逐諸羌乃渡河湟築令居塞始置護羌校尉列河西四郡

隔絕羌胡後漢至于魏晉或降或叛至後魏鄧至王象舒
治者益眾羌也^帝為羌憂因地名自號為鄧至王其後子
孫彭舒者遣使內附拜龍驤將軍益州刺史甘松縣開國
子假以渠帥之名後魏末平鄧至藩始統有其地後周保
定五年于此置龍涸防天和元年改置扶州領龍涸郡開
皇三年廢龍涸郡置嘉誠鎮與扶州同理焉大業三年
改扶州為同昌郡嘉誠縣隋末陷于寇賊武德元年隴蜀
平定改置松州貞觀三年置都督府後但為州

州境東西二百七十四里
南北一百七十七里

八到東北至上都一千九百里
南至翼州一百八十里

東北至東都二千七百六十里
北至茂州三百三十里

貢賦 開元貢 狐尾 當歸 犀 牛酥

管縣二 嘉誠 交川

嘉誠縣 中下 本周舊縣也武帝天和元年置屬龍涸郡開

皇三年罷郡屬扶州武德元年改屬松州

雪山在縣東八十里春夏常有積雪故名

甘松嶺在縣西南十五里

寧遠鎮在縣北一百里

大定戎在縣北四十里

交川縣 下 北至州三十四里 本周舊縣天和中置屬龍涸郡開

皇三年罷郡屬扶州武德改屬松州

洛藉山在縣西北七十五里

江源鎮在縣西北三十里

茂州 通化 開元戶二千五百四十
元初戶六百九十

錦一十三

禹貢梁州之域本冉駝國漢武破南越冉駝等昏震恐請

臣置吏元祐元年以冉駝為汶山郡今州即漢蜀郡汶江

縣也周武保定四年立汶州開皇五年改為會州大業三

年罷會州為汶山郡武德三年改置南會州總管府貞觀

八年改為茂州以茂滋山為名

州境 東西四百七十八里
南北三百六十里

八到 東北至上都二千一百四十里
東北至東都三千里
南至興都府三百七十里

東至綿州取松嶺關路三百七十里
北至翼州一百二十里

貢賦關元貢 蒲香 赤麻 賦 麻布 元和貢 生馬 牙消 麝香

管縣四 汶山 汶川 通化 石泉

郡管縣

汶山縣中下 郭下 汶山縣地晉改為廣陽郡屬汶山郡開

皇十八年改為汶山縣屬會州皇朝改為茂州按汶山即

岷山也南去青山山百里天色清明望見成都山嶺停

雪常深百丈夏月融泮江川為之洪溢即隴之南首也

汶江北自翼州南流徑縣西二里

石密溪在縣東十九里

汶江城在縣北三里

青山山四字疑有誤字

山下疑有脫字

汶川縣中下 北至州本漢綿定長縣地也梁于此置汶

川縣西汶水因以為名仍于縣置汶山郡開皇三年罷

郡以縣屬汶州汶州 郡茂州 汶川縣 理是也 六年又屬會州武德改隸

茂州

玉壘山在縣東北四里

濕坂在縣南一百三十七里嶺上樹木森沉常有水滴未

嘗暫燥故曰濕坂

大江水一曰汶江至汶山故郡乃廣二百步

廣索故縣在縣西七十二里漢縣也屬蜀郡禹本汶山廣

梁人有石綠色禹所生處今其地名鈔兒畔

綠色二字他書引此作粗村
古嶽書禹命鑿江引蜀水化
作爾兒畔

故桃關在縣南八十二里遠通西域公私經過唯此一路
關北當風穴其一二里中晝夜起風飛沙揚石

絕橋在縣西北三里架大江水筏竿四條以葛藤締絡布
板其上雖從風搖動而牢固有餘夷人驅牛馬去來无惧
今按其橋以竹為索闊六尺長十步

通化縣中下東北至州一百六十里一本漢廣柔縣之地周武帝時于
此置石門鎮開皇六年以近日苗生羗于金川鎮置金川
縣十八年改為通化縣皇朝因之

蜀山在縣東北六里
縣城累石為城內窾外險東北二面並累石南面西向臨

岸去地百餘丈

石泉縣中下西至州一百二十里一本漢汶江縣之地也貞觀八年

于此置石泉縣屬茂州

石城山在縣東南一里

石蜜水經縣南一里

翼州臨翼開元戶一千七百一十四 鄉七

禹貢梁州之域本秦漢徼外羗也武帝元鼎中開為縣今

州即漢蜀郡沔陵縣之地也梁太清中武陵王蕭紀于沔

陵舊縣置鉄州尋廢周武帝天和元年討沔陵羗又于七

頃山下置翼州以翼計漢為名隋大業三年省州改置和

山鎮以翼計等三縣屬會州武德元年重置翼州其域西枕大江南面臨漢

州境東西三百三十里南北一百七十里

八到東北至上都三千八十里東北至東都二千九百四十里北至松州一百八十里西至遼州二百二十里

貢賦開元貢 齊香 賦 麻布 元和貢 散磨

管縣三 衛山 翼水 峨和

衛山縣中下 鄣下本漢蚕陵縣地周武帝于此置翼計縣以翼

計水為名屬翼計郡開皇三年罷郡以縣屬翼州皇朝因之

天寶元年改為衛山縣

七頃山一名落日山此路山巖峻阻平地唯有七頃因呼

為七頃山

龍洞故城俗名防渾城在縣北十一里城之北境舊是吐

谷渾所居故曰防渾城

石凹成在縣北六十里

竿橋在縣北三十七里以竹篾為索架北江水

翼水縣中下 北至川 六十里本漢蚕陵縣之地周于此置龍水

縣屬清江郡開皇三年改為清江縣三年罷郡以縣屬翼

州十八年又改清江為翼水縣皇朝因之

石鏡山在縣東南九里山側有石圓徑二尺明徹如鏡因

名

大江水經縣西二百步翼水出縣南下

峨和縣中下

南北至州六十里

本漢夔陵縣之地天寶十一年

公置峨和縣以縣有峨和山也縣有石臼戍北大江之西

也

維州

維川 開元戶七百六十五

本徵外羌丹旄之別種初蜀將姜維馬忠北討北汶山叛

羌此其地也今居姜維城即維所築自晉已後羌夷或降

或叛開皇四年討叛羌以其地置薛城戍屬會州後又沒

賊武德四年日苟羌首領內附於姜維城置維州以統之

其城甚險固乾元二年沒西戎

州境東西三百二十五里 南北二百五十三里

八到東北至上都 東北至東都

東至直州界一百里 西至 東北至恭州三百五十里

貢賦開元貢 麝香

管縣三 薛城 定廉 益溪

薛城縣下本隋薛城戍武德七年改為縣與州同置姜維

山在縣西一里

定廉縣下本隋開皇四年置定廉戍於此屬會州武德七

年改為縣與州同置因定廉水為名

益溪縣 下貞觀三年置益溪村因為名

定廉山在縣東十里

當州

江源下

本漢舂陵縣地貞觀二十一年割松州通軌縣置當州仍

以羗首領為其刺史

州境東西一百六十八里南北一百三十五里

八到東北至上都二千一百一十里東至東都二千九百七十里

東至松州二百一十里東至翼州二百七十里

貢賦

開元貢麝香

當歸

散麝香

犛牛尾

羚羊

管轄

通軌

利和

谷和

平康

通軌縣

下

貞觀三年置屬松州二十一年于縣置當州

利和縣

下

西南至州三十里 周天和元年于此置廣平縣尋廢

明慶二年于廣平舊城置利和縣

谷和縣

下

東至州六十里 文則元年開生羗置

平康縣

下

西南至州六十里 明慶中因古平康城置在平康水

西隸翼州尋廢垂拱元年置以為當州

悉州

下

歸誠 開元戶八百五十五

右明慶元年分當州置在志志唐州因以為名其首領任判

史

州境東西一百六十里南北八十里

八到

東北至上都二千三百五十里
東北至東都三千二百一十里
東至翼州二百二十里
東南至成都府六百五十里
西南至靜州六十里

貢賦

開元貢 麝香 犂牛酥并尾 當歸
元和貢 當歸 麝香

管縣三

識曰 左封 歸誠

識曰

縣下 明慶元年與州同置地名識曰因之為名

肅蕃山在州北八十里肅蕃鎮在山下

左封縣

下 東南至州二十里 周天和元年於此置廣平縣開皇

十八年改為左封天寶中又于縣置守捉

歸誠縣

中下 西北至州八里 本生羌垂拱二年從化三年置

縣以處之

靜州

靜川 開元戶六百七十二

鄉二

本漢蚕陵縣地天授元年于此置靜州其城據山甚險固

州境

東西三百二十里
南北二百三十里

八到

東北至上都三千二百九十里
東北至東都三千一百五十里
東北至悉州六十里
東北至當州六十里
西北至柘州三十里

東北至當州六十里
東北至赤和縣三十五里

南至赤和縣三十五里
北至茹州六十里

貢賦

開元貢 麝香 犂牛酥

管縣三

悉唐 靜居 清道

悉唐縣

中下 四至州二十四里

靜居縣

中下

清道縣下

右並明慶元年與悉州同置天授元年割屬靜州

柘州蓬州開元戶

儀鳳元年置以山多柘木因以為名其城西面險阻易于

固守有安戎江蓬婆水在州南三十里

州境東西北

八到東北至上都二千二百六十里
東北至東都三千一百三十里

管縣二 柘縣 喬珠

柘縣中下前上元二年置

大雪山一名蓬婆山在縣西北一百里

柏嶺在縣北八十里嶺北三十里至白崖驛與吐蕃接界

喬珠縣中下東至州與州同年置

秦州恭化開元戶

開元二十一年析靜州部落于柘州西置

州境東西北

八到東北至上都二千一百九十里
東北至東都三千一百五十里
西南至維州三百五十里
東北至柘州三百里

管縣三 和集 博恭 烈山

和集縣中下舊名廣平縣屬靜州開元二十七年于縣置

秦州寶應元年改名和集

博恭縣 中下 西至州二
十五里

烈山縣 中下 西至州
五十里

直州 昭德
下

在合江鎮西一百四十二里其地本名直符天寶三年節
度使韋仇兼瓊以其地險阻又當西山要路奏置直符營
控押一川仍置兵于其處五年節度郭虛已緣羌項搖動
仍奏置昭德郡乾元二年改為直州

州境 東西
南北

八到 東北至上都二千一百八十里
東北至東都三千四十五里

東至望州四十里 南北至茂州通化縣 一百里
西至維州界一百里 北至悉州界四十里

貢賦 元和日 當端三斤半 蜀香

管縣四 直符 昭德 昭遠 鷄川

直符縣 中下
郭下

昭德縣 中下

昭遠縣 中下

鷄川縣 中下

右昭德等三縣並在州側近以熟羌首領為其令長居死
常所

黎州 洪源 開元戶
中府 元和戶三百三十八 鄉五

高首梁州之域漢武帝破夷于邛置沉黎郡國天和三年

開成萬于此置黎州隋廢州置沈黎鎮武德元年罷鎮為
南登州大足元年巡察使殷祚奏割雅州漢源飛越通望
三縣置黎州能興三年雋州都督元膺奏廢開元三年本
道使陸象先重奏置天寶初廢飛越縣止領縣二其州城
東西南三面並臨絕澗唯北面稍平貞元二年節度使常
魯鑿北面隄壑深闊又于州北故武侯城遷造置堡三所
為州城之援

川境東西南北

八列東北至上都二千五百八十里
東北至東都二千四百三十里
東至戎城無路約七百里
東北至種州二百四十里

西南至高州六百五十里 西至麻清城一百八十里
其城西臨大渡河而生毛 雲界

貢賦開元貢 楸一石

管縣二 漢源 通望

漢源縣郡下本漢旄牛縣地也隋仁壽二年平夷獠于此
置漢源鎮因漢川水為名四年罷鎮立縣屬雅州貞觀三
年割屬萬州開元三年分屬黎州

飛越山在縣西北一百里山西北兩面並接羌戎界儀鳳

二年置飛越縣天寶初廢

沈黎鎮在縣東南六十一里

麻清城在州西一百八十里

銅山城西北五十里

定蕃城在通望軍東一百八十里

衝要城在通望縣東十三里

大定城在州南二百三十里乾元二年改和集鎮置

已上城並貞元中常臯置

管羈縻州五十七並蠻夷部落大首領主之

通望縣中北至州九十里本漢旄牛縣地開皇二十年于此置

大渡鎮大業二年改為陽山鎮武德元年改為陽山縣屬

嵩州天宝元年改名通望縣割屬黎州

大渡水經縣北二百步

沈黎鎮在縣東北六十一里

通望戍在縣西南十二里

嵩州越嵩開元戶三萬八千三百八十五
下府元和戶一萬六千五百八十

鄉二十六

本漢南外夷秦漢為邛都國秦嘗攻之通五尺道改置夷

馬至漢武帝始誅且蘭邛君并殺笮侯而冉駹等皆震恐

乃以邛都之地為越嵩郡屬益州按郡有越水嵩水出深

羌界言越嵩者以章威德遠也領縣十五魏晉已還蠻獠

恃險鈔竊乍服乍叛周武帝天和三年開越嵩地于嵩城

置嚴州開皇六年改為西寧州十八年改為嵩州皇朝因

之至德二年沒蕃貞元十三年節度使常臯收復

越嵩

州境東西九百八十里

八到東北至上都三千二百三十里 東北至東都四千九十里

北至成都府一千二百九十里 東至蠻界約二百里

貢賦開元貢 絲布

管縣七 越嵩 西瀘 蘇祁 臺登 邛部

昆明 會州

越嵩縣上本漢邛都縣之地也開皇六年分邛都置越

嵩縣皇朝因之

隋河在縣東南十里初成帝置邛都縣元幾陷為汙澤因

名隋河

咸亨作武

西瀘縣下東北至州本漢邛都縣地也周武帝天和三

年于此置本可縣天寶元年改名西瀘縣

温湯水出縣西山下十二里

瀘水在縣西百一十二里諸葛亮征越嵩上疏曰五月渡

瀘深入不毛謂此水也水峻急而多石土人以牛皮作船

而度一船勝七八人

姜磨戍在縣西南三里

蘇祁縣上東南至州本漢舊縣也屬越嵩郡後隋美獠

周武帝重開越嵩復立蘇祁縣屬嚴州開皇改屬嵩州皇

朝因之

盧子外渡

姜陽國志外蓋示

溫水出縣東平地二十一里

臺登縣下

正南微北至本漢舊縣屬越嵩郡周武帝重州百七十里

開越嵩于舊理立臺登縣後遂因之

鉄石山在縣東三十五里山有磐石火燒成鉄極剛利念

諾水本名純水流入瀘水在縣西北七百里自羗戎界流

入

長江水本名孫水出縣西地

胡浪山下有司馬相如定西南夷橋孫水以通邛笮即此

水也

諸葛亮故城在縣東南三里亮南征至此所築也

五
邛笮水出縣西地也
本漢舊縣屬越嵩郡
周武帝重立臺登縣
後遂因之

邛部縣

下西南至州二百六十里

本漢蘭縣地也屬越嵩郡周武

德于此邛部城置縣仍以舊城為名屬邛部郡開皇三年

改屬嵩州皇朝因之

嵩山在縣西南九里嵩水出嵩下山州郡得名因此水也

清冠鎮在縣西北五十八里

昆明縣

中東北至州三百里

本漢定笮縣也屬越嵩國去郡三

百里出益鉄夷皆用之漢將張窺殺其豪率遂獲益鉄之利後

沒蠻夷周武帝正定笮鎮武德二年于鎮置昆明縣蓋南

接昆明之地因以為名

益井在縣城中今按取益先積柴燒之以水洗土即成黑

國中
蓋亦登理信何誤

益

凡言築者夷人于大江水置藤橋謂之竿其定竿大竿皆近水置竿橋處

會川縣中北至州三百七十里本漢會無縣屬越雋郡蕭齊沒于

蠻獠高宗上元二年于其地置會川縣天寶初又于縣側

立會同軍在今州南三百七十里是也

姚州雲南

本漢雲南縣之地武德四年安撫大使李英以此中人多姓姚故置姚州為瀘南之巨屏天寶十三年沒蕃貞元初蠻帥吳牟尋歸國冊拜謂之南詔九年南詔又以其地內

屬

州境東西南北

八到東北至上都四千三百里
東北至京師四千八百九里

貢賦無

管縣三 姚城 長明 長城

姚城縣下

長明縣下西南至州十五里

長城縣下南至州五里

右並與州同置龍朔中于州理置都督府尋廢入雋州垂

拱元年重置

協州下

本夜郎國也漢武帝開夜郎置犍為郡今州即犍為郡之南廣縣也其後蛮夷內侵郡因荒廢開皇四年中隸附于此置協州大業三年廢入犍為郡武德元年開南中復協州

洲境東西南北

八到東北至上都三千一百里
東北至東都三千九百六十里

貢賦無

管縣三 東安 西安 胡津

東安縣下郭下

西安縣 下 東西至州二十七里

胡津縣 下 南至州六十里

右三縣開皇四年並同州置本漢南廣縣之地大業二年廢武德元年南夷款附重置

曲州朱提下

本漢夜郎國郡地武帝于此置朱提縣屬犍為郡後立為郡在犍為郡南一千八百里後漢省郡諸葛亮南征復置朱提郡自梁陳已未不復實屬開皇四年開置南中立為恭州武德元年改為曲州朱提山名出善銀食貨志曰朱提銀重八兩名為一流因山名郡縣也

此郡字樣

州境

東北西南

八到東北至上鄆三千三百里
至東都四千三百三十里

貢賦

管縣二 朱提 唐興

朱提縣下郭下

唐興縣下西至州五里

右二縣並武德元年與州同置朱提取漢舊名也

七曲水在州西北三十里

瀾水在七曲水北百三十里南北四百里東西七百里窮

年密霧未嘗觀日月輝光樹木皆衣毛深厚時多水濕

晝夜沾洒上無飛鳥下絕走獸唯夏月頗有蝮蛇土人呼
為漏天也

元和郡縣志卷第三十二

元和郡縣志卷第三十三

東南道下

東川節度使

梓州 郪州 綿州 遂州 渝州 合州

普州 榮州 陵州 瀘州 龍州 昌州

梓州 上梓 元開 元戶 六萬 五千 八百 五十八 鄉 二百 十六

今為東川節度使理所

管州 一十二 梓州 劍州 綿州 遂州 渝州

合州 普州 榮州 陵州 瀘州 龍州

昌州

白崖山在縣南十五里

涪江水西北自縣界流入在縣東一百步灘十七所

通泉縣西北至州一百四十里一本漢唐漢縣地也宋於此置西

岩梁郡後魏恭帝移于涪山改名涪泉郡周明帝置通井

縣開皇三年改為通泉縣十八年改為梓州

通泉山在縣南二里山前有石蝦蟇高七八尺

涪江水經縣東三里

沉水北自藍亭縣界流入公孫述令延岑盛兵于沉水固

守臧官進兵縱擊大破之斬首溺死者萬餘人即此也

赤車藍井在縣西北十二里又別有藍井一十三所

玄武縣上東至州一百一十五里一本先主所立五城縣也屬廣漢

郡後魏平蜀立玄武郡以縣屬焉馬開皇三年改五城為玄

武縣因玄武為名也屬益州武德三年割屬梓州玄武山

在縣東二里山出龍骨

天柱山一名覆船山在縣西南四十里

七里坂在縣東七里

內江水本名中江經縣南去縣百步

藍亭縣西南至州九十三里本漢廣漢縣之地也梁于此置北宕渠

郡及縣後魏恭帝改為藍亭縣以近藍井因名開皇三年

罷郡屬梓州

元和縣志

卷三十三

三

梓潼水經縣南去縣三里

永泰縣中西南至州一百四十五里木漢竟國縣地也武德四年分

置地號永泰因以為名

益亭溪水經縣北去縣十九里

大汁益井在縣東四十二里又有小汁益井歌井針井

飛鳥縣上東北至州一百四十五里本漢郫縣地也開皇十三年于

此置飛鳥鎮十年改鎮為縣並因山為名

飛鳥山在縣西南五十五里

哥而等八山並出銅錒

郫江水經縣北去縣四十里

銅山縣中東北至州一百二十里一木郫縣地有銅山漢文帝賜鄧

通蜀銅山鑄錢此蓋其餘峯也歷代採鑄貞觀二十三年

置監署官前上元三年廢監洞露元年因廢監置銅山縣

飛鳥山在縣西南三十五里

郫江水經縣南五里

培城縣中東南至州六十里本漢涪縣地開皇十六年改置涪

城縣屬綿州大曆十三年割屬梓州

劍州上普安開元戶一萬三千九百七十六鄉二十五

本漢廣漢郡之梓潼縣地武帝置十二州屬益州宋于此

置南安郡武陵王蕭紀改郡立安州後魏廢帝二年先下

安州始通巴蜀故改安州為始州大業三年罷始州為普安郡武德元年復為始州先天三年改為劍州取劍閣為名也

州境東西二百六十七里
南北二百五十六里
東南至閬州二百二十里
西北至龍州三百三十里
東北至上都一千四百三十里
西南至綿州二千九百里
東至利州一千九百里
西至利州一百九十里

貢賦開元貢 蘇董席蘇董席 天重吉室

管縣八 普安 梓潼 黃安 永歸 陰平
武連 臨津 劍門

普安縣郭下本漢梓潼縣地宋于此置安南縣周改為普

安縣

大劍山亦曰梁山在縣北四十九里初姜維自沓中為鄧艾所摧與張翼董厥合還保劍門以拒鍾會即此也

石新婦東北一里十人巖之南岸絕壁高數千丈即劍山之危峰見數百里外傍視眾嶺由平地也岩下高百許丈

有石壁紅色方如座席即張孟陽勒銘之處也
十人巖有石室可容十人因名

大劍水出縣西四十九里空家山下

漢德政城又名黃蘆城在縣東北四十六里三面並阻絕

澗唯西面少平周迴百五十步

政書作故

鍾會故壘一名開遠戍在縣東北五十三里亦名空冢戍
晉鍾會軍至此既度劔閣居死地遂倒種掘冢決為死戰
既無所埋故曰空冢後魏改名開遠戍
大劔鎮在縣東四十八里本姜維拒鍾會壘也在開遠戍
東十一里其山峭壁千丈下瞰絕澗飛閣以通行旅梁時
于此置大劔戍
劔閣道自利州益昌縣界而南十里至大劔鎮合今驛道
秦惠王使張儀司馬錯從石牛道伐蜀即此也後諸葛亮
相蜀又鑿石駕空為飛梁閣道以通行路初李特入漢川
至劔閣預時曰劉禪有如此地而而縛於人豈非庸才

石新婦神在縣東北四十九里大劔東北三十里夫遠征
婦極望忘歸因化為石
梓潼縣上東北至州一百六十里一本漢舊縣屬廣漢郡蜀先主分
廣漢置梓潼郡以縣屬焉開皇三年罷郡以縣屬始州後改
屬劔州
梓潼水一名馳水北自陰平縣界流入

鄧艾祠在縣南一百步
黃安縣中下北至州一百四十里本漢梓潼縣地也宋于此置華
陽縣屬安南郡後魏禪帝改為南安縣周武帝改為黃安
縣

白水當作白水也且見華陽國志
晉漢世置不詳于宋也宋字疑為
字之誤

永歸縣 中下 西北至州 本漢梓潼縣地也宋于此置曰

水縣周閔帝改為永歸縣

陰平縣 中 東至州 一百四十里 本漢梓潼縣地宋明帝大姑中于

此置北陰平郡開皇三年罷郡以縣屬始州皇朝初因之

後改入劍州

龍血山亦曰龍象巖在縣北五十里絕壁高若萬有餘丈

有四石龍在石壁間昔群龍共鬪四龍疲血嘔血死因

化為石血變成鱉堪充器物但不耐風日綿布四五里土

入取之今龍象猶存石不復入用

岐江水下流即梓潼水也東流縣西南五里

武連縣 中 東北至州 八十五里 本漢梓潼縣地宋元嘉中于縣南

五里橋立武都 下辨縣又改下辨橋置武功縣周明帝

改武功為武連縣開皇三年龍郡以縣屬始州

臨津縣 中 西北至州 一百三十里 本漢梓潼縣地南齊于此置胡原

縣開皇七年改為臨津縣

掌夫山在縣西南六十里晉太安元年遣都護衛博討李

特遣將李蓋自掌夫山要博：為伏兵所圍即此山：出

名拓堪為弓材維糜桑熊角不能勝也

劍門縣 中 西南至州 六十里 本漢葭萌縣地聖曆二年分普安

永歸陰平三縣置劍門縣因劍門為名也

衛當作衛凡華陽國志

梁山在縣西南二十四里即劍門山也

綿州巴西開元戶五萬一千四百八十八鄉一百一十三

本廣漢郡之涪縣後魏廢帝二年徙梓潼郡理梓潼舊城于此別置潼州梓潼舊城在今劍州界開皇五年改潼州為綿州因綿水為名也大業三年改為金山郡武德元年復為綿州

按州理城漢涪縣也去成都三百五十里依山作固東據天池西臨涪水形如北斗卧龍伏馬為屬東北之要衝梁天監中張齊為太守更造樓櫓却敵有東西門東門久塞富樂山氣所衝門開則喪亂宋元嘉初太守王懷業開之

果致覆敗爾後深望

州境東三百一十二里

八列東北至都一千七百三十四里

貢賦開元貢對鳳西築獨築白細絹又貢雙絲二十疋賦綿絹

管縣八巴西 昌明 神泉 羅江 龍安

魏城 益泉 西昌

巴西縣望下本漢涪縣也屬廣郡先主據蜀立梓潼郡以

縣屬焉晉孝武帝徙梓潼郡于此後魏改為巴中縣開皇

元年避廟諱改為巴西縣

富樂山在縣東五里

天池山在縣北一十餘步

涪江水經縣西去縣五十步

羅江水經縣西去縣三十三里

蔣琬築在縣西八里琬為大司馬注漢中後上疏曰今涪

水陸四通惟急是應北有虞赴之不難山是琬遂還

注涪疾轉增刺卒于北而葬焉

譙周墓在縣南十六里周將亡戒諸子曰吾後嗣當有黃

頭黑齒幾亡吾族及周孫縱之生也頭黃齒黑晉末刺史

毛璩使縱領白徒七百人由涪水下討桓玄西人不樂遠

北書作北

征乃逼縱為主次陷巴西遂著益州既害毛璩自號成都

王義熙九年朱齡石討平之卒如周言

呂明縣紫 南 至 州 本 漢 涪 縣 地 也 晉 孝 武 帝 自 白 沙 戍

移漢昌縣僑理於此仍屬巴西郡後魏廢帝改漢昌為昌

隆縣先天元年改為呂明縣

涪水經縣南去縣一里

廉水經縣東北讓水出縣北平地宋明帝時梓潼涪人范

百年因論事之次帝語及廣州貪泉百年對曰臣家梁益

所南廉讓之間謂此水也

神泉縣上東北至州八十四里本漢涪縣地晉孝武帝于此僑置

西充國縣屬巴西郡開皇三年罷郡縣屬潼州六年改為

神泉縣因縣西神泉為名

神泉在縣西平地冬夏溫沸凡加附子能愈眾疾

龍安縣上東北至州七十八里本漢涪縣地周武帝大和六年于

此置金山縣大業三年廢武德三年廢金山縣城置龍安

縣因山為名

金山在縣東五十步每夏雨奔注崩頽所則金粟散出大

昔如蒸子

龍安山在縣北十里有好林泉開皇中蜀王楊秀立亭館

以避暑

魏城縣上西南至州六十五里本漢涪縣地隋大業十年自鹽泉

井移魏城縣理舊金山郡按鹽泉井在今縣東南四十五

里鹽泉縣理是也

高靈山在縣北二十四里

東西井在縣東南四里井西為涪縣界井東為梓潼縣界

二縣界分境之所故曰東西

鹽泉縣中下東至州五十六里本漢涪縣地後魏禪帝元年割

涪縣置魏城縣武德三年分魏城置鹽泉縣

五層山在縣西南三十里

梓潼水經縣北去縣十八里

陽下藍井在縣西一里

西昌縣中東至州五里本漢涪縣地晉孝武帝于此僑置

益昌縣開皇三年省永淳元年又置以與利州益昌縣同

名以其州西因以改為西昌縣

龍臺山在縣東北四里

龍安水在縣北五里

遂州遂寧中府開元立三萬七千三百七十七鄉六十五

禹貢梁州之域秦為蜀郡地漢分置廣漢郡今州又為廣

漢郡之廣漢縣地後分廣漢為德陽縣東晉分置遂寧郡

周保定二年立為遂州後因之

州境東一百二十里
南一百九十里
西一百二十里
北一百二十里

八到東北至果州一百七十里
東至果州一百七十里
東南至合州二百六十里
正南微西至普州一百四十里

貢賦關元貢綾一十五疋 甘子 標蒲綾

管縣方義長江 青石 蓬溪 遂寧

方義縣下本昔小溪縣也穆帝永和十一年置屬遂寧

郡後魏恭帝改為方義縣開皇三年罷郡縣屬遂州

涪江水北去縣八十步

縣四面各有藍井九十二所

虛星池在縣西南四里

虛星池在縣西南四里

龍池在縣北百二十步

長江縣上南至州五十里本晉巴興縣魏恭帝改為長江縣

涪江經縣南去縣二百五步

青石縣中西北至州七十里本晉之晉興縣也本屬巴郡既置

遂寧乃割屬焉後魏改為始興縣開皇十八年改為青石

縣

青石山在縣東南水路五十九里舊巴蜀爭界累年未分

一朝密霧石為之裂破從上至下直若引繩因此定遂合

二州之界

涪水經縣南去縣一里

九派溪出縣東三十六里灘有節因為名

蓬溪縣中西南至州一百二十里一永淳元年割方義縣北界于今

縣南二十里蓬川置唐興縣長壽二年改為武豐神龍元

年復為唐興天寶元年改為蓬溪

石香爐山在縣西五里

縣有鹽井一十三所

遂寧縣中東南至州一百二十里一景飛二年割青石縣置

渝州南平開元戶五千九百六十二和戶八百三十四

禹貢梁州之域古之巴國也閬白二水東南流曲折如巴

字故謂之巴然則巴國因水為名武王伐設巴人助焉其

人勇銳歌舞以凌敵却後封為巴子其地東至魚復西至
 道接漢中南極惛惛是其界也春秋時亦為巴國戰國時
 楚既稱王也亦稱王秦惠文王使張儀司馬錯伐巴蜀滅
 之今其地為三十一縣始皇置三十六郡巴即一焉漢高
 帝既定三秦項日背約封為漢王巴蜀天下既定乃分
 巴蜀置廣漢郡武帝又置犍為郡劉璋為益州牧于是分
 巴郡自墊江已下為永寧郡先主又以固陵為巴東郡于
 是巴郡分為三郡曰三巴梁武陵王蕭紀于巴郡置楚
 州後魏改為巴州閔帝又改為楚州開皇元年改楚為渝
 州因渝水為名漢高祖還伐秦巴人從軍歌舞臨陣帝善

其主字疑行漢書漢高祖以高祖
 為巴東仍存漢書高祖也

之曰此武王伐紂之歌也後今習之所謂巴渝舞也

州境東西五百一十九里
 南北四百七十九里
 東北至上都三十八里
 東北至涪州水路三百四十里
 正北至合州一百六十里
 西南至瀘州水路七百里

貢賦開元貢葛五疋葉子壯丹皮
 江津縣在州西一百二十里縣南陸路至漆州三百六十里又
 自江津縣南尋楚溪水路至南州二百三十里

管縣五 巴縣 江津 萬壽 南平 璧山

巴縣中本漢江州縣也屬巴郡在岷江之西漢水之南
 即蜀將李嚴所修古巴城也南齊改為墊江縣周明帝武
 成三年改為巴城縣後遂不改州理城即漢巴郡城也先

主令都督李徽鎮此又鑿南山欲會汶涪二水使城在孤洲上會嚴被微不卒其事鑿處猶存

江津縣中下東至州一百二十里一本漢江州縣也屬巴郡周改為

江陽縣開皇三年改為江津縣屬渝州

萬壽縣中下東北至州一百八十里三本漢江州縣地武德三年分

江津置萬春縣屬渝州五年改為萬壽縣

綾錦山在縣西八十五里

大江水經縣南去縣二里

南平縣中下西至州一百三十里一本漢江州縣地貞觀四年分巴

縣置南平縣屬南平州十二年廢州縣改屬渝州

瀛山在縣西南三百七十里以其高峻象海中蓬瀛故名

巴子魚池在縣西北一十里

壁山縣中下東北至州一百八十里一本漢江津萬壽巴三縣地四

而高山中央平田四週約二百里天寶中諸州逃戶多投

此營種川中有一狄山西北二面險峻東南面稍平土人

號為重壁山至德二年置縣因山為名縣東陸路至江津

縣二百三十里

合州中巴川開元戶二萬六千七百九十六鄉四十二

禹貢梁州之域春秋時為巴國秦滅之以為巴郡今州即

漢巴郡之墊江縣地也宋文帝元嘉中于此置東宕渠郡

後魏恭帝于東宕渠郡改置合州以涪江自梓遂州來至州南與嘉陵江合流因名合州

州境東西北三百二十四里

八到東北至東都二百里

賁賦元和賁州北至州東都九十里北至果州三百七十里桃竹筋

管縣六 石鏡 漢初 新明 銅梁 巴川

赤水

石鏡縣郭下本漢墊江縣屬巴郡後漢岑彭再滅宮伐公孫述自江州縣徙涪水上至墊江是也宋武帝于此置東

石鏡縣

宕渠縣石似鏡因以為名

銅梁山在縣南九里蜀都賦曰外負銅梁石渠是也山出

鐵及桃枝竹

涪江水經縣南去縣二百步

巴子城在縣南五里

漢初縣中東南至州一本漢墊江縣地後魏于此置漢初縣屬合州百九十四里

西溪水一名嘉陵水經縣理南去縣一里

新明縣中西南至州一本漢墊江縣之地自後魏訖隋

又為石鏡縣地武德二年分石鏡縣之東北界為新明縣

銅梁縣中東至州二百里長安四年刺史陳靖意以大足川

倚戶輻湊置縣取小銅梁山為名

小銅梁山在縣西北七十里

沿江水在縣東北四十里

巴川縣中北至州二百里開元二年刺史孫希莊奏割石鏡之

南銅梁之東置縣

小安溪南源出縣南也山中

赤水縣中東至州一百里本漢犍江縣地開皇八年分石鏡縣

于今縣西二里置縣因水為名

朝霞山在縣南十八里

普州中安岳開元戶三萬二千六百八十二鄉二十五

禹貢梁州之城秦漢為巴蜀二郡之地今州即漢之資中

牛鞞音望江後漢之德陽四縣之地周武帝於縣立普州

大業二年罷普州以所領縣屬資州武德二年重置

州境東至一百七十八里

八到東北至一百六十里

正北至一百三十里

正西至一百四十里

正南至一百七十里

正北至一百五十里

貢賦開元貢天門冬葛賦絹紵布

管縣六安岳普康安居普慈崇龕

樂至

安岳縣下周武帝建德四年與州同置

縣有鹽井一十所

安岳山在縣西南一里

普康縣下北至州七十里周建德四年于此置永康縣開皇十

八年改為隆康先天元年改為普康

縣有鹽井三所

安岳縣中高至州八十里本周柔剛縣也因山為名開皇十二

年改為安岳縣因水為名天授三年移于今理

柔剛山在縣東二十里

安居水在縣北八十步

縣有鹽井四所

普慈縣中東至州一百里本名多業縣周建德四年置屬普

慈郡開皇十三年改多業為普慈

婆娑山在西北三十里其山綿亘數百里

安居水在縣北一里

縣有鹽井一十四所

崇龕縣下西至州一百一十里隋開皇三年于此置隆龕鎮大業

十二年于鎮置縣先天元年改名為崇龕

崇龕山在縣西三里因取為縣名

樂至縣中 東至州一百四十里 本周車免鎮也屬普州以車免山

為名武德三年于鎮置樂至縣

樂至池在縣東二里

榮州和義 開元戶四千八百七 鄉二十五

禹貢梁州之域秦為蜀郡地在漢即犍為郡之南安縣地

也李雄據蜀後夷獠居之所謂鐵山生獠也開皇十三年

置大牢縣武德元年割資州大牢威遠二縣于公井鎮置

榮州取榮德山為名也

州境 東西一百八十三里 南北一百三十六里

八到 東北至東都三千三百五十里 東至資州三千三百五十里

東北至資州一百六十里

南至嘉州二百一十里

西至嘉州二百一十里

貢賦 元和貢 班市六 瓦 利 鐵

管縣六 旭川 咨官 和義 威遠 公井 應靈

旭川縣 中下本漢南安縣地貞觀元年于此置旭川縣因

縣有菴井鄴旭井因取以名縣

榮德山在縣東北三十五里

鐵山在縣北四十里

大牢溪出縣北鉄山下南流經縣北

汝官縣 中下東南至州九十里 本漢南安縣地 大業十一年屬隸
為郡 隋後改以治為汝也 武德元年為嘉州 貞觀六年改
為榮州

白崖山在縣西北十里

和義縣 中下西南至州一百七十里 一曰漢資中縣地 是資瀘二州界

大業十一年分置和義縣以和戎僚故以和戎為名

內江水在縣西一百七十里

縣有鹽井五所

威遠縣 中下 西至州七十里 本漢資中縣地 開皇三年于此置

威遠戍以招撫生僚 十一年改戍為縣 屬資州 武德元年

改為榮州

鐵山在縣西北四十里

威遠鎮在縣城內

縣有鹽井七所

公井縣 中下 西北至州九十里 本漢江陽縣地 屬犍為郡 周武

帝于此置公井鎮 隋因之 武德元年于鎮置榮州 因改鎮

為公井縣

野容山在縣南六十里

縣有鹽井十所 又有大公井 故縣鎮因取為名

應靈縣 中下 東北至州一百五十里 一本漢南安縣地 開皇十年于

元利壽縣志
此置大牢鎮十三年改鎮為縣一界有大牢溪因取為名
天寶元年改為應靈

縣有鹽井四所

陵州

仁壽

開元戶一萬七千九百五十五

御四十七

禹貢梁州之城秦為蜀郡地在漢即隄為郡之武陽縣之

東境也晉孝武太元中益州刺史毛璩蓋西城戍以防益

井周閭帝元年又于此置陵州以陵井以為名陵井者本

帝開來道陵所開故以陵為號晉太元中刺史毛璩乃于

東西西山築城置主將防衛之後廢陵州更開狼毒井今

之煮井是也居人亦畜名獐曰陵井其實非也今按州城

南北二面懸岸斗絕四面顯敞南臨井

州境東西一百四十里

八到東北至上都二十里

東北至東都三十七里

東北至蘭州一百八十里

東北至資州二百三十五里

東北至嘉州一百九十里

東南至榮州三百一十里

貢賦開元貢同越金細葛四疋

管縣五 仁壽 貴平 籍縣 始建 井研

仁壽縣上本漢武陽縣之東境也後魏定蜀于此置普

寧為仁壽縣

三隅山有東隅南隅西隅三山相對去陵井各一里故為

元利壽縣志

卷三

二十

名

婆支水出縣北婆支山去縣四十五里

陵井縱廣三十丈深八十餘丈蓋部蓋井甚多此井最大以大牛皮囊盛水引出之役作甚苦以刑徒充役中祠

蓋井神張道陵祠在縣西南百步陵開鑿蓋井人得其利故為立祠陵即張魯之祖父學道鶴鳴山人從受道者出

五斗米故時人號米賊亦曰五斗米道

貴平縣中 西南至州六十七里本漢廣都縣之東南地後魏于此

置和仁郡仍立縣

鳴車山在縣西南九里

綠水在縣南五十步

平井蓋井在縣東南七步

信縣上 東南至州一百里本漢武陽縣地同閔帝于此置籍縣

川蜀先主籍地為名大業二年省永徽四年復置

丹水山在縣南七十里

大江水在縣北三十五里

木津水在縣南五里

始建縣中 北至州十五里本漢武陽縣地開皇十年于今

縣立始建鎮大業五年改鎮為縣聖曆二年移于仁壽縣

界置其舊縣復置始建鎮

鐵山在縣東南七十里出鐵諸首亮取為兵器其鐵剛利

世元百島

井研縣中北至州一百一十五里本漢武陽縣地大業元年因井研

鎮立縣取鎮為名萬陵州

井研縣井在縣南七里鎮及縣皆取名焉又有思稜井

是井

瀘州開元一萬六千八百七十九鄉三十七

高資梁州之域春秋戰國時為巴子國秦併天下為巴郡

地武帝分置犍為郡今州即犍為郡之江陽符陽二縣之

地按江陽即今州城是也先入益州遣諸葛亮張飛等

漢書地理志

外姓詐沈定江陽是也晉穆帝遣安西將軍和嶷將萬人

伐李子仁軍次江陽亦謂此地也後為獠所沒梁大通初

割江陽郡置瀘州魏置瀘州遠取瀘水為名大業二年改

為瀘川郡武德元年復為瀘州

州境東四百七十八里

八到西北至資州前流六百里

東至資州東至資州前流六百里

東至資州東至資州前流六百里

東至資州東至資州前流六百里

東至資州東至資州前流六百里

東至資州東至資州前流六百里

東至資州東至資州前流六百里

東至資州東至資州前流六百里

瀘川縣中下本漢江陽縣也屬犍為郡初曹公入漢中諸葛亮出屯江陽晉穆帝於縣置東江陽郡領江陽縣開皇二年蜀郡以縣屬瀘州大業元年改江陽縣為瀘川縣皇

朝用之

汶江水經縣南三十步

中江水亦曰綿水經縣北三里出赭金

綿水縣中下東至州一百六十里本漢江陽縣地晉于此置綿水

縣

汶江水經縣東十五里

江安縣中下東北至州本漢江陽縣地也李雄亂没于

為龍州

州境東西北四百六十八里

八到東北取利州路至上都一千六百五十里

東至利州四百里東南至劍州三百二十里

西至綿州二百二十里東至松州三百二十里

北至渝州取文州路三百三十里西南至茂州四百九十里

貢賦元開元貢烏頭附子羚羊角天雄側子

管縣二江油清川

江油縣中下本晉之平武縣地後魏于此置江油郡并立

江油縣以屬焉石門山在縣東一百三里有石門戍再氏分界去仇池城

四百餘里

雪山在縣西三百里以春夏常有積雪也

饜崖山在縣南八十二里出錫

涪江南流經州城東又經江油城東其水出金

清川縣中下西南至州九十里本後魏之馬盤郡也領馬盤一

縣屬龍州開皇三年罷郡縣入郡理屬龍州天寶元年改

為清川縣

呂州昭元元和戶一千一百九鄉七

本漢資中縣之東境墊江縣之西境江陽郡之北境皇朝

乾元一年左拾遺李昂詐奏以山川闊遠請割瀘普渝合

夷僚晉穆帝于此置漢安縣十八年改為江安縣

方山在縣西北十二里

汶江水經縣北八十步

可盛鹽井在縣西北十一里

富義縣中下東南至州三百里本漢江陽縣地周武帝于此置

富世縣貞觀二十三年改為富義縣

中江水亦口綿水經縣東百步

當義鹽井在縣西南五十步日出鹽三千六百六十石斂

南鹽井唯此最大其餘亦有井七所

合江縣中下西至州一百二十里本漢符陽縣地也晉穆帝于此

富世富字之誤也富義縣其地
陽國志其地也

置安樂縣梁改置安樂戍周改為合江縣

安樂山在縣東八十三里縣取名焉

龍州江油下開元戶九百一十九龍州都督府元和戶三百二十九

高貢梁州之域秦漢及魏不置郡縣魏景元一年詔鄧艾

征蜀艾自陰平行無人之地七百餘里鑿山通道造作橋

閣山高谷深至為艱險艾以輓自襄推轉而下將士皆攀

木緣崖魚貫而進先登至江油即其地也晉于此置平武

縣屬陰平郡至梁有陽李二姓最豪分據其地各稱藩于

梁至西魏禪帝二年平蜀于此立龍州隋末陷于寇賊武

德元年隴蜀平定改為龍門郡其年加西字貞觀元年改

省深等六州界置昌州尋為狂賊張朝等所焚州遂罷廢
大曆十年奉道使崔寧又奏復置以鎮押夷獠其城南憑
赤水北倚長嶺極為險固

州境東北西南

八到北至普州遂州路至上都二千五百四十里

東北至東都三千四百里

正南至涪州取合江路三百八十里

正北至微西至普州三百八十里

西北至資州三百九十里

貢賦元和貢筒布

管縣四 靜南 昌元 永川 大足
靜南縣中下乾元一年與州同置

元利君縣志
銅鼓山在縣北八十里

赤水溪經縣南去縣九十步

始龍溪在縣東南流屈曲五十里合赤水溪流也

呂元縣中東至州一百二十里乾元三年與州同置東接瀨波溪

西臨耶水

葛仙山在縣南一百五十里

瀨波溪在縣南五十步

永川縣下西至州九十里大曆十一年置東西北三面並枕侯

溪水南面接延陵英山

大鉄山在縣東南八十里

大足縣下西南至州七十五里乾元三年與州同置東臨赤水西

枕營山

牛關山在縣東南八十里是也

元和郡縣志卷第三十三

元和郡縣圖志卷第三十四

嶺南道一

嶺南節度使

廣州

南海

都督府

開元戶六萬四千二百五十九
元和戶七萬四千九十九

鄉一百九十四
鄉九十一

今為嶺南節度使所理

管州二十二

廣州

循州

潮州

端州

康州

封州

韶州

春州

自春州已下
分入下卷

新州

雷州

羅州

高州

恩州

潘州

驛州

瀧州

韶州

崖州

瓊州

振州

信州

萬安州

禹貢梁州之域春秋時百越之地秦并天下置南海郡言
南海郡地即秦末趙佗竊據之高帝定天下為中國勞苦
 禹貢之域也釋佗不誅因立佗為南越王使無為南邊害至武帝元鼎
 五年遣伏波將軍路博德出桂陽下湟水樓船將軍楊僕
 下滇水咸會番禺誅佗玄孫建德及相呂嘉遂定越地以
 為南海蒼梧鬱林交趾九真日南珠崖儋耳郡按漢南海
 郡即秦南海故郡也屬交趾刺史猷帝末孫權以步騭為
 交州刺史遷州於番禺即今州理是也孫皓時以交州土
 壤太遠乃分置廣州理番禺交州後理龍編晉氏因而不
 改義熙中盧循自稱^千早南將軍廣州刺史用徐道覆計舉

兵建業軍敗單刺走保廣州為晉將杜慧度所破投水而
 死開皇九年平陳于廣州置總管府仁壽元年改廣州為
 番州大業三年罷番州為南海郡隋末陷賊武德四年討
 平蕭銑復為廣州開皇二十一年又于邊境置節度經略
 使武德四歲廣州為嶺南五府經略使理所以綏靜夷獠

經略軍南海郡係本州城內有經略
 軍額管鎮兵五千四百人
 清海軍恩平郡管兵一千
 人恩平今恩州

桂管經畧使始安郡管
 兵千人

容管經畧使普寧郡管兵
 一千一百人

鎮南經畧使安南都護府管
 兵四千二百人

邕管經畧使 開寧郡管 千七百八人

州境 東西北一千二百一十八里

八到 西北至上都取郴州路四千二百一十里取虔州七度嶺路五千三百一十里

正西微北至蒲州路五千八百八十五里 西南至恩州水路六百七十里 西北至賀州八百七十六里 正南至大海七十里

貢賦 開元貢 絲布 竹布 蕉布 沉香 甲香 鍾乳 石斛 蚺蛇膽 山姜 餘甘子 辟瘴皮 石斛 元和貢 荔枝 甲香 古臘香 蚺蛇胆

管縣十三 南海 番禺 化蒙 懷集 增城

泮水 東莞 新會 義寧 清遠 四會

須陽 浚滃

南海縣 上本漢番禺縣之地也屬南海郡開皇十年分其地置南海縣屬廣州

番山在縣東南三里

禺山在縣西南一里尉陀死葬於此

南海在縣南水路百里自州東八十里村號曰古斗自此

出海浩淼無際

石門水一名貢泉出縣西三十里平地即晉廣州刺史吳

隱之飲水賦詩之處

州城步雋所築也雋為交州刺史登臺遠望乃曰新城海

島膏腴之地宜為都邑遂遷州于番禺建築城郭焉

趙佗故城在縣西二十七里即尉佗都城也

陸賈故城在縣西一十四里賈之未也佗不即前賈故為

城以待之

盧循故城在縣南六里循既為宋高祖所破聚其餘党至

自番禺高祖遣建威將軍孫季高振武將軍沈田子力戰大

破之

朝臺在縣東北二十一里昔尉佗初遇陸賈之處也後歲

時於此望漢朝拜故曰朝臺

斗真鎮在縣西北五十里

赤岸戍在縣東百里

紫石戍在縣東七十里

北帝在縣北三里即尉佗之廟也

虞翻廟在縣西北三里翻為孫權騎都尉以數諫爭徙交

州卒

海廟在縣東八十一里

任萬墓在縣北三里

尉佗墓在縣東北八里又言佗墓在禺山蓋與此相連接

耳

番禺縣上北至州十五里本秦番禺縣故城在今縣西南二里縣

有番禺二山因以為名或言置在番山之隅開皇十年改

置南海縣即今縣是也長安三年于江南洲上別置番禺

縣取漢名其州周迴約八十里

化蒙縣下東南至州四百八十里本秦四會縣之地也宋元嘉十

三年分四會縣之蒙鄉置化蒙縣屬綏建郡開皇十年廢

即以縣屬廣州

鉛穴山在縣西六十里出鉛錫

滑水一名綏建江經縣南去縣三十里

懷集縣中東南至州六百三十里本漢四會縣地也宋元嘉中分

四會縣之銀屯鄉置懷集縣屬綏建郡開皇十年改屬涇

州涇州即今廣州二十年廢涇州改屬廣州

驃山在縣東北四十二里多鐵鉞百姓資焉

綏建江經縣西南二里

增城縣中西南至州一百八十里一本漢番禺縣地後漢於此置增

城縣按竟崙山上有閭風增城蓋取美名也屬南海郡開

皇十年屬廣州

觀山在縣東南二十三里多婆婆摩竹園三四尺至堅里

人以為弓弓形如弩

九子嶺在縣西四里

泉山在縣西三十二里其上多漆封

鼃泉在縣西青山有神鼃帶銅鑲上此水有穢此水則便

澍雨

石陂在縣東北百五十里溉田餘頃

牛潭在縣東北二十里

泮水縣中東南至州七百里本漢封陽縣地在今賀州界蕭

齊于此置泮安縣屬廣州至德二年改為泮水縣

齊樂水經縣北百步

潯水在縣北五十里

東莞縣中西北至州三百里本漢博羅縣地之晉成帝咸和六

年于此置寶安縣屬東莞郡開皇十年廢郡以縣屬廣州

至德二年改為東莞縣取舊郡名也

寶山在縣東北五十五里

南海在縣西二里

新會縣中東北至州三百里本漢四會地隋開皇十年置新會

縣屬崗州崗州即舊縣也今開元二十二年割屬廣州

利山在縣南百七十里上多沉香木

南海在縣北百五十里

義寧縣下東北至州五百里本漢番禺縣之地宋元嘉六年于

此置義寧縣屬新會郡隋改屬崗州天寶初廢崗州以縣

屬廣州

天路山在縣西一十六里

清遠縣中南至州二十里本漢中宿縣地也梁武帝於此

置清遠郡中宿縣屬之開皇十年廢郡置清遠縣屬廣州

觀亭山一名觀峽一名中宿峽在縣東三十五里縣昔取

此峽為名

四會縣中東南至州二百四十里本秦舊縣也屬桂林郡開皇十

年改為廣州

金山一名金崗山在縣北六十五里出金沙

鷄籠山在縣西二里

潁陽縣中南至州四百里本漢舊縣也屬桂林郡在潁水

之陽因吳屬始興郡開皇十年改為潁陽為潁州十九

年改屬廣州武德元年復改為潁陽

潁山在縣北四十里潁水所出尉佗為城於此山上名為

萬人城

潁陽峽一名皋石山在縣南二十五里崖壁千仞猿狖所

不能遊

潏水一名始興大江北自韶州曲江縣界流入東去縣百一

十步

涯浦故關在縣西南四十五里山谷深阻寔禁防之要地

也

浚縣中東南至州五百里本漢舊縣也為桂陽郡隋開皇十

年於此置涇州縣屬焉二十年廢涇州以縣屬廣州因縣界涇水為名也地理志言字無水

堯山在縣北四十里

白鹿山在縣東南三十里

涇水自西連州陽山縣界流入經縣南百步

滄涇故城本漢滄涇縣也在今縣東四里

故涇城在縣西二十步

循州海置開元戶九千五百二十五

御一十五

本秦南海郡地漢平南越復置南海郡今州即漢南海郡

之博羅縣也梁置梁化郡開皇十年于此置循州取循江

為名也大業三年改為龍川縣武德五年復改為循州

州境東西北九百八十三里

八到西北至東都取廣柳路四千六百一十里

西至廣州水路汾相總四百里 陸路三百五十里

南至海一百一十里

東至韶州一千二百里

北至虔州一千五百里

貢賦開元貢蚶蛇胆 甲香 藤器 鮫魚皮

元和貢羅浮甘子 蚶蛇胆 藤箱 大甲香

管縣六 歸善 博羅 興寧 海豐 河源

雷卿 歸善縣中下本漢博羅縣地也宋於此置歸善縣屬贛郡

梁屬梁化郡開皇十年廢梁化郡以縣屬循州

長山在縣東南百里

寅山在縣東北十五里多出茯苓

南海在縣南一百一十里

河源水北去縣四十步

歸善故城在縣東北七十里

梁化故郡在縣東南八十里

博羅縣中下東南至州本漢舊縣也屬南海郡開皇十

年改為循州二漢縣立名不一自吳已後復為博羅

羅浮山在縣西北二十八里羅山之西有浮山蓋蓬萊之

一阜浮海而至與羅山並體故曰羅浮高三百六十丈周
迴三百二十七里峻天之脊四百三十有二馬事具袁彥

伯記

浮水出羅浮山

河源水東自歸善縣峽流入南去縣一百步

興寧縣中下西南至州本漢龍川縣之地也晉于今縣

西三里置興寧縣屬東莞郡開皇十年以縣屬循州

六石山在縣西南二里

循江西自河源縣界流入西去縣五十里

興寧江南去縣一百八十里

海豐縣 中下 西北至州 本漢龍川縣地東晉于此置海

豐縣屬東莞郡開皇十年廢以縣屬循州

南海在粵南二十五里

龍山在縣北五十里

河源縣 中下 西南至州 二 本漢龍川縣之地齊于此置

河源縣 東北三百里有三河之源故名也屬南海郡開

皇十年改屬循州

龍穴山今名龍川山在縣東北三百四十里

循江經縣東南去縣二百步

龍川故城在縣東北水路百七十五里秦龍川縣也秦南

海尉任翬疾召龍川令趙佗授之以政即此處也

雷鄉縣 中下 西南至州 天授二年廣東都督陳崇崇奏置

南臨大江

潮州 潮陽 開元戶九千三百二十七 元和戶一千九百五十五

鄉一十六 鄉一十六

今州即漢南海郡之揭陽縣也晉安帝義熙九年于此

立義安郡及海陽縣開皇十年罷郡省海陽縣仍于郡解

置義安縣以屬循州十一年于義安縣立潮州以潮流往

復曰以為名大業三年罷州為義安郡武德四年復為潮

州

州境 東西五百三十六里 南北四百八十四里

八到 西北至上郡取皮州路五千六百二十五里
西北至東郡取皮州路四千八百一十里
西南至廣州水陸路相兼約一千六百里
西南至衡州一千五百里
西北至皮州一千五百里
東北至漳州取漳浦路四百八十里
東至大海一百二十里
南至大海八十五里

貢賦

開元貢 雲龜散 元和貢 細蕉布 甲香 鮫魚皮 水馬
蕉葛布 蚶蛇膽 鱖魚皮 甲香

管縣三 海陽 潮陽 程鄉

海陽縣 中下本漢揭陽縣地也晉於此立海陽縣屬義安郡開皇十年省郡廢海陽入循州十一年置潮州又立海

陽縣以屬焉南濱大海故曰海陽

鳳凰山在縣北一百四十里

大海在縣東南一百一十三步

西津驛在縣西六里

益亭驛近海百姓煮海水為鹽遠近取給

官鰲湖在縣東南二十里出名龜以下勝于含涯龜也

潮陽縣 中下 東北至州 二百里 本漢揭陽縣地晉安帝分東莞

郡置義安郡仍立潮陽縣屬焉以在大海之北故曰潮陽

貞元九年移于今理

獲子山一名龍首山在縣東南五十里

龍溪山今名海寧嶺在縣西南一百七十里

大海在縣西南百三十里

程鄉縣中下 東南至州 本漢揭陽縣地齊于北置程鄉 四百里

縣蓋分海陽縣立焉屬義安郡開皇十年省十一年置潮

州復立程鄉縣屬焉

西陽山在縣東南四十五里

西陽水在縣南二十三里

端州高要 開元戶八千一百四十二 元和戶一千七百九十五

鄉十四 鄉十四

本秦南海郡地漢武帝置蒼梧郡則為蒼梧郡之高要縣

也梁大同中于此立高要郡開皇十一年置端州大業三

年罷為信安郡武德四年平蕭銑五年重置端州當西

江入廣州之要口也

州境東一百五十八里

八列 西北取韶州路至上都四十三百三十五里

東至廣州義寧縣一百五十里 西至康州二百九十里

北取廣州四會縣界水路至韶州六百四十里

東南水陸相兼至新會縣三百里

貢賦 元和貢 銀四錠 麩布 麻布 乳香 黃魚 春子

管縣二 高要 平興

高要縣郭下 本漢舊縣也屬蒼梧郡有監官開皇十一年

置端州割屬焉

石室山在縣北五里

零羊峽在縣東水行三十里吳步騭為交州刺史興軍取南海衡毅錢博等領兵逆之戰於峽口博等軍敗投水死者千餘人即此處也

青歧鎮在縣東八十五里

鵠奔亭在縣西八里漢交趾刺史何敞辯死女子寃即此處也

平興縣下

西北至州本漢高要地也晉末分置平興縣

屬新寧郡開皇十二年罷郡屬端州

漏山在縣東四十里

康州下 晉康 開元戶一萬三千一百五十二 鄉一十六

漢武帝平南越置蒼梧郡今州即蒼梧郡之端溪縣也晉末于此置晉康郡開皇十二年省晉康郡以所領縣屬端州大業三年罷州為信安郡隋末陷賊武德四年討平蕭

銑五年置康州

州境東西二百七十九里

八到 西北至上都四千五百一十五里

東至端州九百一十五里

西南至龍州一百八十里

貢賦 開元貢 蕉布 麻布 北至霍山一百二十里與廣州化蒙縣分界

管縣四 端溪 悅城 都城 晉康

端溪縣下本漢端溪舊縣也屬蒼梧郡

端山在縣北百二十五里有樹冬榮其子號曰猪肉子大於孟冬而食之味如猪肉故名也

西江水經縣南去縣五十二步

悅城縣下本漢端溪縣地也宋于此置樂城縣

屬端州武德五年改屬康州天寶元年改名悅城

鬱水一名西江水經縣南去縣十步

程溪水東去縣百步

都城縣下東北至州本漢端溪縣地宋于此分置都城

縣屬晉康郡大業二年屬封州武德五年改屬康州

鬱水經縣西去縣一里

晉康縣下東至州七本漢端溪縣地宋于此置安遂縣

貞觀八年于縣置燕州十八年廢州以縣屬康州至德元

年改為晉康縣

建水在縣東五十步

封州臨封開元戶五千六百五十三

椰七

秦為南海郡之地漢平南越置蒼梧郡今州即漢蒼梧郡

之廣信縣地也梁于此置梁信郡屬成州開皇十年改為

封州大業三年罷州以縣屬蒼梧郡武德四年復置封州

州境東西二百二十八里

八到西北取梧桂州路至上都四千三百八十五里

東南北至東都州路一百二十五里西北沂流至梧州五十里

貢賦關元貢州路一百九十里水路六百四十里

管縣二 封川 開建

封川縣新下本漢廣信縣也梁于此置梁信郡開皇十年

改為梁信縣屬封州十八年改為封川縣皇朝因之

古關山在縣西十三里

封溪水經縣北去縣十五里

開建縣下南至州一百七十里本漢封陽縣之地宋文帝分置開

建縣屬臨賀郡開皇十年改屬連州武德四年改屬封州

鼠石在縣東北二十四里傍有三穴皆容人居止其石上

時多石斛已高五丈週迴五里

臨賀水一名封溪水經縣西去縣十五里

韶州始典開元戶二萬七百六十四鄉四十一

秦南海郡地漢分置桂陽郡今州即桂陽郡之曲江縣也

後漢置始興都尉今州即都尉所部吳甘露元年初立為

始興郡梁承聖中蕭勃據嶺南于此置東衡州開皇元年

平陳改東衡州為韶州取州北韶石為名十一年廢入廣

州十二年自今南海縣移廣州理曲江之廢韶州城即今

州理是也仁壽元年改廣州為番州大業二年又自今始

吳故鎮移番州治南海縣今廣州理是也三年以番州為南海郡隋末陷賊武德四年平蕭銑重於此置番州貞觀

元年改為韶州復舊名也

州境南北四百二十里東西四百八十五里取虔吉

八到州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

州西北至上都取州路三百八十五里取虔吉

仁化

曲江縣下本漢舊縣也屬桂陽郡江流迴曲因以為名

吳置始興郡縣屬焉隋置韶州縣屬不改皇朝因之

靈鷲山在縣北六里

玉山在縣東南十里有採玉處

銀山在縣西二十二里出銀

韶石在縣東北八十五里兩石相對相去一里石高七十五

丈週迴五里有似雙闕名韶石

牢石在縣東六十里石高七十丈週迴二十一里色慘五

彩狀若樓觀上多零羊

卷五

共

王城一名故郡城在縣南六里地勢險固晉義熙初盧循
尅廣州循將徐道覆移始興郡據此城

湑水在縣東一里元鼎五年征南越樓船將軍下橫浦入
湑水即此水

始興縣下 西南至州一 本漢南海之地吳于此分置始
興郡隋改屬韶州皇朝因之

大庾嶺一名東嶠山則漢塞上也

從北至水道所極越之北疆也越相呂嘉破漢將軍韓千

秋于石門封送漢節置于塞上即此嶺本名塞上漢伐南

越有監軍姓庾城於此地衆軍皆受庾節度故名大庾五

嶺之戎中此最在東故曰東嶠高一百三十丈秦南有五嶺之

戎謂大庾始安臨賀桂陽揭陽縣也

邪階水今名階水出縣東百三十里近水有邪階山又有

脩仁水出縣東北東嶠山仍有三楓亭五渡水齊范彥龍

為始興守至脩仁酌水賦詩曰三楓何習々五渡且悠々

寧飲脩仁水不挹邪階流

安遠鎮在縣東北百五十里

樂昌縣中 東南至州一 本漢曲江縣地也梁武帝分曲

江置梁化縣屬始興郡開皇十年改屬廣州十八年改為

樂昌縣武德中改屬韶州

卷三五

七

藍豪山在縣西北一百九十里廣五百里崖嶺峻阻所謂
瀧中即此也

滄湖在縣東南十里週迴三十五里南通瀧水

任囂故城在縣南五里秦楚之際南海都尉任囂因中國
方亂欲據嶺南故築此城以圖進取囂死此城尉佗因之

遂有南越

翁源縣下西北至州一百八十里二本漢浚陽縣地在今廣州界梁

承聖末蕭勃分浚陽立翁源縣因縣界翁水之源為名也
後因不改貞元三年刺史徐申移于今理

翁水出縣東北一百四十里

松派水與湏水合經縣南二十步

浚昌縣下西南至州陸路二百三十里光宅元年析始興北界置浚

昌縣北當驛路南臨湏水

大庾嶺在縣北五十六里

仁化縣下南至州陸路一百一十里垂拱四年分曲江縣置南雄縣

元和郡縣志卷第三十四

